

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i Programa utroška sredstava u Ministarstvu za rad, socijalnu politiku i izbjeglice za 2022. godinu, broj: 02-11-1194/22 od 20.01.2022. godine, broj: 02-11-12327/22 od 11.08.2022. godine i broj: 02-11-13938/22 od 15.09.2022. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 173. sjednici, održanoj dana 22.09.2022. godine, d o n o s i

**ODLUKU**  
**o odobravanju sredstava za**  
**„Program sufinansiranja samozapošljavanja START-UP 2022“**

**Član 1.**  
**(Predmet)**

(1) Odobravaju se JU Služba za zapošljavanje Zeničko-dobojskog kantona sredstva u iznosu od 171.000,00 KM (slovima: stotinusedamdesetjednihiljada konvertibilnih maraka) za finansiranje projekta „Program sufinansiranja samozapošljavanja START-UP 2022“.

(2) Sredstva iz stava (1) ovog člana odobravaju se za samozapošljavanje 25 nezaposlenih osoba sa evidencije JU Služba za zapošljavanje Zeničko-dobojskog kantona.

**Član 2.**  
**(Analitička konta)**

Sredstva iz člana 1. ove odluke isplatit će se iz Budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22 i 14/22), razdjel 20, budžetska organizacija 01, potrošačka jedinica 0001, ekonomski kod 614100, subanalitika KAD 220, pozicija Budžeta: „Transfer za zapošljavanje“.

**Član 3.**  
**(Uplata sredstava)**

Odobrena sredstva će se uplatiti na transakcijski račun Službe broj: 134-010-00002905-38, koji je otvoren kod ASA Banka d.d. Sarajevo, svrha uplate: Finansiranje projekta „Program sufinansiranja samozapošljavanja START-UP 2022“.

**Član 4.**  
**(Ovlaštenje za zaključivanje ugovora i Realizacija Odluke)**

(1) Ovlašćuje se ministrica za rad, socijalnu politiku i izbjeglice Zeničko-dobojskog kantona da u ime Vlade Zeničko-dobojskog kantona zaključi ugovore sa korisnicima programa iz člana 1. stav (2) ove odluke i JU Služba za zapošljavanje Zeničko-dobojskog kantona.

(2) Za realizaciju ove odluke zadužuju se Ministarstvo za rad, socijalnu politiku i izbjeglice, Ministarstvo finansija i JU Služba za zapošljavanje Zeničko-dobojskog kantona, svako u okviru svojih nadležnosti.

**Član 5.**  
**(Izvještavanje)**

Obavezuje se JU Služba za zapošljavanje Zeničko-dobojskog kantona da po završenom programu Ministarstvu za rad, socijalnu politiku i izbjeglice dostavi narativni i finansijski izvještaj o namjenskom utrošku doznačenih sredstava, kao i dokaze o samozapošljavanju osoba.

**Član 6.**  
**(Stupanje na snagu)**

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

**PREMIJER**

***Mirnes Bašić***

Broj: 02-11-14265/22

Datum, 22.09.2022. godine

Z e n i c a

DOSTAVLJENO:

1x Ministarstvo za rad, socijalnu politiku i izbjeglice,

1x Ministarstvo finansija,

1x JU Služba za zapošljavanje Zeničko-dobojskog kantona,  
putem Ministarstva,

1x „Službene novine Zeničko-dobojskog kantona“,

1x a/a.

PROGRAM SUFINANSIRANJA SAMOZAPOŠLJAVANJA  
START-UP 2022

## **1. Osnov za donošenje, izvor finansiranja i nosioci realizacije Programa**

U skladu sa Zakonom o posredovanju u zapošljavanju i socijalnoj sigurnosti nezaposlenih osoba (Službene novine Federacije BiH, br. 55/00, 41/01, 22/05 i 9/08), Ministarstvo za rad, socijalnu politiku i izbjeglice (u daljem tekstu : Ministarstvo) i JU Služba za zapošljavanje Zeničko-dobojskog kantona (u daljem tekstu: Služba) sačinili su „Program sufinansiranja samozapošljavanja START-UP 2022“ (u daljem tekstu: Program).

Finansijska sredstva koja su potrebna za realizaciju Programa planirana su u iznosu od 171.000,00 KM, a koja će biti obezbijedena od strane Vlade Zeničko-dobojskog kantona odnosno Ministarstva za rad, socijalnu politiku i izbjeglice Zeničko-dobojskog kantona. Nositelac realizacije ovog Programa je Služba za zapošljavanje Zeničko-dobojskog kantona.

## **2. Cilj Programa**

Poticanje osoba sa evidencije nezaposlenih na području Zeničko-dobojskog kantona na samozapošljavanje, pokretanjem djelatnosti/društva.

## **3. Ciljna grupa**

Ciljna grupa su osobe, prijavljene na evidenciju nezaposlenih na području Zeničko-dobojskog kantona prije dana objave Javnog poziva, bez obzira na stepen obrazovanja i starosnu dob, a koje će nakon prijave na Javni poziv registrovati i održati djelatnost/društvo u trajanju od najmanje 12 mjeseci.

U Programu ne mogu učestvovati osobe koje su po Javnim pozivima iz prethodnih godina koristile poticajna sredstva iz mjera za pokretanje samostalne djelatnosti/društva, u čijoj realizaciji su učestvovali Federalni zavod za zapošljavanje/službe, kao ni osobe koje su odjavile djelatnost/društvo u periodu od šest (6) mjeseci prije objave Javnog poziva za učešće u ovom programu.

## **4. Način sufinansiranja**

Programom je predviđeno sufinansiranje troškova doprinosa, a u slučaju da je iznos sufinansiranja veći od troškova doprinosa, ostatak iznosa sufinansiranja se koristi za isplatu dijela neto plaće. Služba korisniku, po dostavljenom pravdanju, refundira sredstva.

Služba će korisnicima sredstava, sa kojima se zaključi ugovor o sufinansiranju samozapošljavanja, bez obzira na vrstu djelatnosti/društvo, u narednih 12 mjeseci isplaćivati poticajna sredstva u iznosu od 530 KM (mjesečno).

Navedeni iznos se uvećava za dodatnih 480 KM jednokratno na ime refundacije dijela troškova pokretanja djelatnosti/društva.

Prednost pri odobravanju sredstava za sufinansiranje samozapošljavanja imaju nezaposlene osobe koje pripadaju nekoj od navedenih kategorija:

- članovi domaćinstva u kojem ni jedan član nije zaposlen (dokaz - uvjerenje općine i uvjerenje biroa za zapošljavanje),

- roditelji djeteta sa posebnim potrebama i roditelji teško bolesne djece (dokaz - uvjerenje centra za socijalni rad, druga relevantna dokumentacija),
- djeca i supružnici osoba s invaliditetom od 60% i više (dokaz - uvjerenje općine),
- žrtve nasilja, žrtve nasilja u obitelji i djeca žrtava nasilja, civilne žrtve rata i dr. (dokaz - uvjerenje centra za socijalni rad, MUP-a, suda, te sigurne kuće),
- liječeni ovisnici (dokaz - uvjerenje specijalizirane medicinske ustanove, uvjerenje komune),
- bivši štíćenici doma za nezbrinutu djecu (dokaz - uvjerenje doma za nezbrinutu djecu, uvjerenje centra za socijalni rad).

### **3. Način realizacije Programa**

Služba će sa korisnicima i Ministarstvom potpisati Ugovor o sufinansiranju samozapošljavanja (u daljnjem tekstu: Ugovor) kojim će se odrediti međusobna prava i obaveze.

### **6. Dostavljanje i provjera dokumentacije**

Korisnik se obavezuje da će, sve do isteka ugovornog odnosa, mjesečno, u pravilu do kraja mjeseca za prethodni mjesec, putem e-maila obavještavati Službu o uplaćenim doprinosima za djelatnost (uplata doprinosa poduzetnika u slučaju registracije obrta) i/ili uplaćenim doprinosima za zaposlenike (u slučaju registracije privrednog društva).

Obavijest mora sadržavati sljedeće podatke: naziv korisnika, JIB korisnika, naziv mjere po kojoj je zaključen ugovor o sufinansiranju samozapošljavanja. Korisnik se obavezuje da će, u slučaju potrebe, a po zahtjevu Službe, dostaviti Službi Specifikacije uz uplatu doprinosa poduzetnika (Obrazac 2002) u slučaju registracije obrta ili Specifikacije uz uplatu plaće zaposlenika u radnom odnosu kod pravnih i fizičkih osoba (Obrazac 2001) u slučaju registracije privrednog društva ovjerene u Poreskoj upravi Federacije BiH.

### **7. Pravdanje i isplata ugovorenih sredstava**

Po potpisivanju Ugovora, Služba mjesečno isplaćuje/refundira na račun Korisnika, sredstva za prethodni mjesec, a po izvršenim provjerama u bazi Porezne uprave.

### **8. Opće odredbe**

U pogledu zaključivanja, trajanja i raskida ugovora o radu i drugih situacija analogno se primjenjuju sljedeća pravila:

- Ukoliko je dokumentacija potpuna i validna, zadovoljavajuća/odgovarajuća, Služba priprema tri (3) primjerka Ugovora o sufinansiranju samozapošljavanja i poziva Korisnika da potpiše Ugovor ili nepotpisan Ugovor dostavlja Korisniku na potpis, uz napomenu da isti potpisan i ovjeren vrati Službi. Nakon što Korisnik potpiše i ovjeri Ugovor, Služba potpisuje i ovjerava sve primjerke Ugovora i dostavlja ih Ministarstvu, koji također potpisuje i ovjerava sve primjerke Ugovora, te zadržava jedan (1) primjerak, a ostale vraća Službi. Služba, također, zadržava jedan (1) primjerak Ugovora, a jedan (1) prosljeđuje Korisniku. Ukoliko Korisnik, bez opravdanog razloga, u roku od osam (8) dana od dana prijema ne vrati potpisan i ovjeren Ugovor, smatrat će se da je odustao od sudjelovanja u Programu.

- U slučaju nastupanja okolnosti da je osoba čije se samozapošljavanje sufinansira,

privremeno spriječena za rad duže od 42 dana ili koristi porodijsko odsustvo, o čemu Služba informiše Ministarstvo, sufinansiranje samozapošljavanja/zapošljavanja se obustavlja za taj period. U slučaju povratka na rad osobe po prestanku predmetnih okolnosti, o čemu Služba informiše Ministarstvo, Korisnik za preostali period ima pravo nastaviti koristiti prava određena Programom i ciljem mjere iz ugovora o sufinansiranju samozapošljavanja.

- U slučaju da Korisnik odjevi djelatnost, odnosno trajno prestane sa radom, refundirat će se do tada opravdani iznos sredstava za Korisnika s kojim je raskinut ugovor o sufinansiranju.

## **9. Kontrola i praćenje izvršenja ugovorenih obaveza**

Služba će kontinuirano pratiti realizaciju Ugovora određenih obaveza, i to:

- provjerom dokumentacije/obavijesti koju Korisnik dostavlja, radi pravdanja odobrenih sredstava,
- provjerom podataka na portalu Porezne uprave Federacije BiH
- prema potrebi i kontrolom provođenja ugovorenih obaveza neposredno kod Korisnika.

Ukoliko se praćenjem realizacije ugovorenih obaveza utvrdi da ih Korisnik ne ispunjava, Služba će pokrenuti postupak raskidanja Ugovora.

## **10. Izvještavanje Ministarstva o provedbi Programa**

Služba je obavezna Ministarstvu polugodišnje dostavljati izvještaj o utrošku sredstava, a radi praćenja realizacije Programa. Po okončanju Programa, Služba će Ministarstvu dostaviti konačni izvještaj o realizaciji Programa sa efektima istog.

Ministarstvo za rad, socijalnu  
politiku i izbjeglice Zeničko-dobojskog kantona  
kantona

MINISTRICA

JU Služba za zapošljavanje  
Zeničko-dobojskog

DIREKTOR

\_\_\_\_\_  
Broj:  
Datum:

\_\_\_\_\_  
Broj:  
Datum: